

Sipòte Jèn Elèv Kap Aprann Pale Anglè yo avèk Kaye Ekri

Laboratwa Edikasyonèl Rejyonal
Wès, Nòdwès,
Nòdès ak Zile yo

Soti nan Sant Nasyonal pou Evalyasyon Edikasyon nan IES

Fanmi ak moun k ap bay swen yo, ou jwe yon wòl enpòtan nan aprann langaj pitit ou. Objektif aktivite sa a se pou ede timoun yo devlope ladrès langaj ak ekri yo nan devlope yon woutin ekri ki gen ladan pale sou sa y ap ekri ak ekri chak jou. Ou pral sipòte pitit ou pou yo anrejistre panse, santiman, lide, ak nouvo mo yo nan yon kaye ekri.

Mete nan tèt ou:

- Oumenm ak pitit ou ka itilize lang natif natal ou oswa Anglè, kèlkeswa sa ki pi fò pou ou.
- Pale ak ekri nan lang natif natal ou pral ede pitit ou tou nan Anglè.
- Jwi tan sa a avèk pitit ou. Aprann Ansanm se yon plezi!



Poukisa nou dwe konsantre sou pale ak ekri?

Timoun ranfòse langaj oral ak ekri lè y ap pale ak yon moun avan, pandan, ak apre yo fin ekri.

Objektif Aprantisaj la: Timoun yo pral bati ladrès langaj oral ak ekri

Klas: 2yèm–5yèm ane

Materyèl: Yon kaye ekri oswa papyè, yon kreyon oswa yon plim

An nou kòmanse!

Swiv etap ki anba yo. Gade nan do a pou w jwenn plis sipò langaj pou w ede pitit ou vin bon nan ekri.

Etap 1: Fòme Lide pou Ekri

- Gen plizyè diferan rezon ki fè nou ka ekri! Ede pitit ou **chwazi yon objektif pou sa y ap ekri**, tankou rakonte yon istwa oswa dekri yon evenman nan jounen yo.
- **Planifye gwo lide ak pwèn enpòtan yo** pitit ou ka ajoute.
- **Diskite vokabilè espesyal oswa langaj** pitit ou ka itilize. Pa egzanp, yon lèt amikal souvan kòmanse avèk *Chè ____* e li ka fini avèk *Zanmi w, ____*. Langaj pou w konekte lide ka yon fraz tankou *Sa Ou ka sezi tande sa ki rive apre*, oswa pitit ou ka itilize mo sekans tankou *premye, dezyèm, pwochen*, oswa *apre*.

Etap 2: Lè pou w Ekri

- Ankouraje pitit ou pou l **ekri poukont li**.
- **Tcheke tan zan tan** pou w asire yo reyisi nan aktivite ekri yo.

Etap 3: Diskite sou sa k Ekri a

- A la fen jounen an oswa lè ekri a konplè, **mande pitit ou pou l pataje ekri yo**.
- **Gen yon konvèsasyon sou ekri yo** ak lide, vokabilè ak langaj ou te pale sou yo avan w te ekri yo. Pa egzanp, poze kesyon sou yon lide yo te gen pwoblèm pou yo ekri sou li. Diskite sou sa pitit ou pi fyè, oswa ki pati yo pi renmen. (Gade *Sipò Langaj pou Ede Pitit ou Apre li Fin Ekri*).

Sipò Pou Ede Pitit ou *Aprè l Fin Ekri*

Lide pou Ekri Poukont ou

- Konpoze yon lèt amikal
- Pataje lide sou yon liv ou te li, oswa yon istwa ou te tandè
- Kreye yon istwa
- Pale sou yon aktivite ou renmen fè
- Ekri sou plas ou pi renmen an ak poukisa
- Rakonte bagay ki pi komik/efreyan/pi dwòl ki te rive w
- Dekri yon gwo pwisans ou vle ak poukisa ou vle li

Fason pou Pitit ou Prepare pou w Ekri

- Bay yon plas pou pitit ou ekri
- Pale avèk pitit ou sou sa yo planifye desine oswa ekri
- Ankouraje pitit ou desine lide oswa istwa
- Aji sou yon lide oswa yon istwa avèk pitit ou



Sipò Langaj pou Ede Pitit ou *Aprè l fin Ekri*

Fason pou w Ofri Fidbak pou Pitit ou

- Li ekri w yo awotvwa. Èske w te itilize tout lide ak vokabilè w yo?
- Èske gen yon bagay ki te difisil pou w te ekri?
- Èske gen yon fraz ki te sanble ale twò long?
- Èske lide w yo konekte ak nan lòd?
- Èske w ka ajoute nenpòt detay pou w fè sa w ap ekri a pi enteresan?

Fason Pitit ou Ka Detire Langaj yo Lè Y ap Pale Sou Ekri

Jodi a mwen te ekri sou _____.

Mwen chwazi sijè sa a paske _____.

Yon bagay mwen te fè pou m prepare pou m ekri se _____.

Kèk nouvo mo oswa fraz mwen te itilize yo se _____ ak _____.

Pati sa a te difisil nan sa mwen ekri a paske _____.

Mwen espesyalman fyè de pati sa a nan travay mwen paske _____.

Yon pati nan ekri mwen mwen ta renmen pataje avèk ou se _____.